



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

VII. Moderatio facultatum Rev. Fabricæ Basilicæ Principis Apostolorum de  
Urbe circa Legata, Pauperibus in genere sacra.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)



Cardinalium negotiis, & consultationibus Episcoporum, & Regularium præpositorum consilio, præferas d. Innocentii Prædecessoris Literas cum omnibus, & singulis in eis contentis, Apostolica auctoritate tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes & singulos tam juris, quam facti defectus si qui desuper quomodolibet intervenerint supplemus. Decernentes præsentibus Literas semper firmas, validas, & efficaces existere, & fore, suosque plenarios, & integros effectus fortiri, & obtinere, & ab omnibus & singulis ad quos spectat, & pro tempore spectabit inviolabiliter observari, sicque per quoscunque Judices Ordinarios, & delegatos, etiam causarum Palatii Apostolici Auditores judicari, & definiri debere, ac irritum & inane si quid secus super his à quoquam quavis auctoritate scienter, vel ignoranter contigerit attentari. Non obstantibus omnibus, & singulis illis, quæ idem Innocentius Prædecessor in dictis suis Literis præinfectis voluit non ob stare, cæterisque contrariis quibuscunque.

Dat. P. An. I.  
die 26. Aug.

Datum Romæ apud S. Mariam Majorem sub Annulo Piscatoris, die 26. Augusti 1655. Pontific. Nostri Anno Primo.

VII.

Moderatio facultatum Rev. Fabricæ Basilicæ Principis Apostolorum de Urbe circa Legata, Pauperibus in genere facta.

De hac materia Jul. II. Constit. 23. Liqueat omnibus, Leo X. Clem. VII. Constit. 3. Admonet, Constit. 9. Dudum, Paulus III. qui refert Constit. Jul. II. & Leo X. Constit. 31. Dum Universos, Jul. III. Constit. 15. Accepimus, Pius IV. Constit. 62. De Commissio, Pius V. Constit. 96. Decet. Constit. 97. Exigit. Sixtus V. Constit. 95. Clemens VIII. Constit. 115. Quæcumque.

Edita An. D.  
1655.

ALEXANDER PAPA VII.

Ad futuram rei memoriam.

Exordium.

Superni dispositione consilii vices illius gerentes in terris, qui pauperum curam fidelibus suis præcipiens, quod uni ex illis fieret sibi factum asseruit, in his pastoralis Officii Nostri partes affectu paterno libenter interponimus, per quæ eorundem pauperum, & præsertim per viccos, & plateas mendicantium necessitatibus opportunè consuli arbitramur.

Constit.  
causa.

§. 1. Cum itaque retroactis temporibus fel. record. Julius II. Leo X. Clemens VII. Paulus III. & alii forsân Romani Pontifices Prædecessores Nostri, ut in honorem Principis Apostolorum Basilica opere supra cæteras magnifico, & elegantissimo in hac Alma Urbe Nostra construeretur, perpendentes suas, & Apostolicæ Sedis facultates ad id minimè suffecturas, Fabricæ d. Basilicæ, seu ejus Collegio inter alias plures gratias, facultates, & privilegia, applicaverint legata pauperibus in genere sive speciali determinatione, & propriis nominibus personarum non expressis relicta; cumque, hujus applicationis ratione pauperes, & potissimum mendicantes legatis sibi relictis privati remaneant, multique pii fideles retrahi, vel saltem tepidiores reddi possint ad relinquendum legata pia, quæ aliàs in eorundem pauperum commodum relicti essent, dubitantes irritas, & inanes evasuras similes eorum dispositiones, & in prædictæ Fabricæ utilitatem ob privilegia præfata cessuras: Nos licet ad absolutam Fabricæ d. Basilicæ terminationem, illiusque ornamum à die nostræ ad Summum Apostolorum assumptionis mentem direxerimus, considerantes nihilominus ejus admirabilem structu-

ram ad optatum ferè finem esse perductam, ac proinde longè minorem pecuniarum quantitatem nunc pro ejus perfectione, & conservatione, quàm de tempore concessionis antedicti, & aliorum ejus privilegiorum esse necessariam; æquum, & rationi consentaneum esse censuimus, ut sublato privilegio hujusmodi impedimento Christiani pauperes in posterum legata sibi relicta, & pro tempore relinquenda plenè, & liberè capiant, & consequantur.

§. 2. Motu itaque proprio, ac ex certâ scientiâ, & maturâ deliberatione Nostri, deque Apostolicæ potestatis plenitudine, hæc Nostrâ perpetuò valiturâ Constitutione statuimus, decernimus, & declaramus, legata pauperibus in genere ubicumque locorum relicta, & pro tempore quandocumque, & quomodocumque relinquenda non amplius sub legatorum incertorum nomine in Beneficium d. Fabricæ, juxta prædicta ejus privilegia converti, neque sub ejus facultatibus comprehendendi, sed illa omnia veluti alia certa pia legata in commodum, & beneficium pauperum, qui sub tali nomine secundum juris interpretationem comprehenduntur, plenè, & integrè, juxta pias legantium dispositiones cedere, ac iidem pauperibus ab hæredibus, aliisque obligatis, seu à testamentariis, Exequutoribus, vel aliis quibus legatorum prædictorum solutio, seu executio commissa fuit, & erit pro tempore, eadem legata sive in pecunia, sive in frumento, pane, vino, aliisque ad humanum usum necessariis consistant, modis, temporibus, ac diebus à Testatoribus, seu Legantibus præscriptis solvi & consignari debere.

Legata in genere pauperibus relicta eidem distribui decernit.

§. 3. Quod si ob moram, seu negligentiam hæredum, aut Executorum, seu aliorum obligatorum, vel etiam ob mortem eorum, quibus pauperum nominatio, & electio, seu aliàs legatorum executio commissa fuerit, eorundem legatorum solutionem, seu consignationem ultra debitum tempus differri, vel impediri contingat, volumus, & mandamus, ut locorum Ordinarii, & illis deficientibus Commissarii, & Ministri prædictæ Fabricæ in casibus, in quibus aliàs præmissorum executio de jure, & secundum facultates ejusdem Fabricæ ad eos devolvitur, voluntatem Testatorum, & relinquendum legata hujusmodi ad commodum & Beneficium eorundem pauperum dumtaxat, prout servatur in aliis legatis certis, exequantur.

Ob moram vel negligentiam hæredum Ordinarios & Ministros Fabricæ in subsidium Executores designat.

§. 4. Porro quoad legata pro piis operibus in genere etiam ad arbitrium, nominationem, electionem, seu declarationem certorum Executorum, seu aliorum specificandis, declarandis relicta, nullum præsentem Nostrâ Constitutione eidem Fabricæ præjudicium inferre, nihilque super iis de novo statuere intendimus, quinimò omnia, & singula ejus jura, & privilegia per Summos Pontifices Prædecessores Nostros hæcenus in præmissis concessa præservamus, in casibus tamen in quibus Executores, seu alii præfati, quibus competit facultas (quam per hujusmodi privilegia Fabricæ nullatenus impediri volumus) illam exercere, & ad nominationem, electionem, seu declarationem devenire nolint, vel nulla facta declaratione decesserint.

In reliquis legatis jura Fabricæ intacta conservat.

§. 5. Hanc verò Constitutionem, tam in casibus futuris, & deinceps contingentibus, quàm in præsentibus, & præteritis, præterquam in eis legatis, & relictis, quæ hæcenus à præfata Fabrica, seu ejus Ministris agnita, acceptata, & incorporata fuerint, etiam si super illis in quacumque instantia lis pendeat indecisa, servari, locum habere volumus, & declaramus. Cæteris autem ejusdem Fabricæ, seu illius Collegii privilegiis, gratiis, & facultatibus in iis, quæ præsentibus non advertantur, nullum ne minimum quidem præjudicium per præsentibus illarum, aut illis derogatum esse,

In quibus casibus Constit. locum habet.

seu



seu intelligi, dici, vel censei posse, sed illas, & illa in suo robore, & firmitate remanere debere decernimus itidem declaramus.

§. 6. Decernentes etiam præfentes Litteras, & in illis contenta nullo unquam tempore etiam ex eo quod Oeconomus, & alii Officiales præfata Fabricæ, cæterique in præmissis interesse habentes, seu habere quomodolibet prætendentes ad ea vocati, vel auditi, causæque, propter quas eadem præfentes emanarunt, adductæ, vel sufficienter, aut etiam ullatenus justificatæ non fuerint, de subreptionis, obreptionis, seu nullitatis vitio, aut intentionis nostræ, vel quovis alio quantumvis substantiali defectu notari, vel ex quocumque alio capite etiam in corpore juris clauso impugnari, rescindi, invalidari, ad terminos juris reduci, in jus, vel controversiam vocari, seu adversus illas aperiitionis oris, restitutionis in integrum, vel aliud quodcumque juris, facti, vel gratiæ remedium impetrari, seu etiam motu simili concessio quempiam in iudicio, vel extra illud uti posse, sed easdem præfentes semper firmas, validas, & efficaces existere, & fore, suosque plenarios, & integros effectus fortiri, & obtinere, neque sub similibus, vel dissimilibus constitutionum revocationibus, suspensionibus, limitationibus, derogationibus, aut aliis contrariis dispositionibus comprehendendi, sed semper ab illis exceptas, & quoties illæ emanabunt, toties in pristinum statum restitutas esse, & censei.

§. 7. Sicque, & non aliter in præmissis per quoscumque Iudices ordinarios, & delegatos ac etiam quoslibet Sanctæ Romanæ Ecclesiæ Collegii Fabricæ præfata Cardinales, nec non causarum Palatii Apostolici Auditores, & quovis alios quacumque autoritate, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 8. Non obstantibus præmissis, ac quibusvis Constitutionibus, & Ordinationibus Apostolicis, nec non Collegii præfati etiam juramento confirmatione Apostolica, vel quavis alia firmitate roboratis, Statutis, & consuetudinibus, privilegiis quoque, indulgitiis, gratiis, facultatibus, & Litteris Apostolicis per prædictos, & quovis alios Romanos Pontifices etiam Prædecessores Nostros in favorem ejusdem Fabricæ, ac illius Collegii, etiam per viam contractus jurati, & sub quibusvis verborum tenoribus, & formis, ac etiam Motu proprio, & ex certa scientia, deque Apost. potestatis plenitudine etiam consistorialiter & cum quibuscumque etiam derogatoriis derogatoriis, aliisque fortioribus, & insolitis clausulis, & decretis etiam irritantibus, in genere vel in specie, & aliis quomodolibet emanatis, concessis, ac etiam pluries approbatis, & confirmatis. Quibus omnibus, & singulis etiam pro sufficienti illorum derogatione, de illis, eorumque totis tenoribus specialis, specifica expressa, individua, ac de verbo ad verbum non autem per clausulas generales idem importantes, mentio, seu quavis alia expressio faciendæ, aut quavis alia exquisita, & insolita forma ad hoc servanda esset, illorum omnium, & singulorum tenores præsentibus pro plenè, & sufficienter expressis, & insertis, formamque in illis traditam pro servata habentes, illis aliis in suo robore permanentibus, hac vice ad effectum præmissorum dumtaxat specialiter, & expressè, motu, scientia deliberatione, & potestatis plenitudine partibus derogamus, cæterisque contrariis quibuscumque.

§. 9. Volumus autem, ut præsentium transumptis etiam impressis manu Notarii publici sub-

scriptis, & sigillo personæ in Ecclesiastica dignitate constitutæ munitis eadem prorsus fides in iudicio, & extra illud adhibeatur, quæ eisdem præsentibus adhiberetur, si forent exhibitæ, vel ostensæ.

Datum Romæ apud Sanctam Mariam Majori sub Annulo Piscatoris, die 30. Augusti 1655. Pontificatus Nostri Anno Primo.

*Die, mense, & Anno quibus supra, supradicta Constitutio affixa, & publicata fuit in locis solitis, & consuetis Urbis, per me Jo. Baptistam Garavinum Sanctiss. D. N. Papa Cursorem.*

*Pro D. Mag. Curs. Jo. Garzias Curs.*

Declaratio, quod in præfata Constitutione non comprehenduntur legata pro piis operibus incertis relicta.

ALEXANDER PAPA VII.

*Ad perpetuam rei memoriam.*

**D**ECET Romanum Pontificem æqui bonique supremum assertorem in terris à Domino constitutum illa, quæ ex circumspcctâ ejus providentia piè sapienterque processerunt, cum aliorum, quàm æquitatis ratio postulet detorqueri intelligit, opportuna declarationis ministerio, ita dilucidare, ut sequioris, & ab ejus intentione descedentis interpretationis occasio cuilibet præcidatur.

§. 1. Aliàs siquidem emanarunt à Nobis Litteræ in simili forma Brevis tenoris, qui sequitur, videlicet ALEXANDER PP. VII. Ad perpetuam rei memoriam. Superni dispositione consilii vices illius gerentes in terris, qui pauperum curam fidelibus suis præcipiens, quod uni ex illis fieret sibi factum asseruit, in his pastoralis officii nostri partes affectu paterno libenter interponimus per quæ eorumdem pauperum, & præsertim per vicos & plateas mendicantium necessitatibus opportunè consuli arbitramur. Cùm itaque retroactis temporibus scilicet record. Julius II. Leo X. Clem. VII. Paulus III. & alii forsitan Romani Pontifices Prædecessores Nostri, ut in honorem Principis Apostolorum Basilica opere supra cæteras magnifico, & eleganti in hac Alma Urbe nostra construere tur pendentes suas, & Apostolicæ Sedis facultates ad id minime suffecturas, fabricæ dictæ Basilicæ, seu ejus Collegio inter alias plures gratias facultates, & privilegia, applicaverint legata pauperibus in genere sine speciali determinatione, & propriis nominibus personarum non expressis relicta, cumque hujus applicationis ratione pauperes, & potissimum mendicantes legatis sibi relicti privati remaneant multique pii fideles retrahi vel saltem tepidiores reddi possint ad relinquendum legata pia, quæ aliàs eorumdem pauperum commodum relicta essent, dubitantes irritas, & inanes evasuras similes eorum dispositiones, & in prædictæ fabricæ utilitatem ob privilegia prædicta cessuras nos licet ad absolutam fabricæ dictæ Basilicæ terminationem illiusque ornatum à die nostræ ad summum Apostolorum assumptionis mentem direxerimus; considerantes nihilominus ejus admirabilem structuram ad optatum ferè finem esse perductam, ac proindè longè minorem pecuniarum quantitatem nunc pro ejus perfectione, & conservatione, quam de tempore concessionis ante dictæ, & aliorum ejus privilegiorum esse necessariam æquum, & rationi consentaneum esse censemus sublato privilegii hujusmodi impedimento Christi Pauperes in posterum Legata sibi relicta, & pro tempore relinquenda plenè, & liberè capiant, & consequantur. Motu itaque proprio, ac ex certa scientia, & matura deliberatione nostris, deque Apostolica potestatis plenitudine,

Dat. P. A. 1.  
die 30. Aug.

VIII.

Edita A. D.  
1660.

Exordium.

Clausula  
præservati-  
væ.

Clausula  
sublata.

Contrariis  
derogat.

Transump-  
torum fides.